

ThianLō LekThêng Tē Jī Kòan

天路歷程 第二卷 Tē 8 Chiuⁿ

Tāike hō Kaiû hó khoánthāi

Lútô hiah ê lâng kiâⁿlō^o siān, koh ke simlāi ê kiaⁿ, siūⁿ beh chhē chit ê sóchāi hioh. Simtit kóng, Chêngbīn bô jōahng, ū chit ê sèngtō miâ kiò Kaiû tiàm tī hia, i ê kesū iah hó, putchí ài chihchiap kiâⁿ lō^o ê lâng. Lútô in thiaⁿkìⁿ ū hit hō ê lâng chiū hoaⁿhí, kàu Kaiû ê chhù, jìpkhì chiū chhiáⁿ mng beh kìⁿ chúlâng. Kaiû chhutlái. Lútô hiah ê lâng kóng, Thiaⁿkìⁿ lí putchí hó khoánthāi kiâⁿ lō^o ê lâng, góan kiâⁿ iàsiān lah, sói chhē lí, ài tī chia hiohkhùn.

Kaiû kóng, Lín sī Chú ê chin hàkseng, góa hoaⁿhí chiapláp lín.

Lútô in thiaⁿkìⁿ putchí hoaⁿhí, chiah chhiáⁿ i hō in khòaⁿ só beh tiàm ê pâng. I chiū chhōa in khòaⁿ saⁿ keng pâng. Tjînióng kóng, Kaiû, hó pêngiú ah ! Ū símmih chhài mah ? Inūi góan kin'ájit kiâⁿ lō^o putchí hng, chin iàsiān.

Kaiû kóng, Jit àm lah, bô tè thang bóe. Lín nā bô khihiâm, chiū chiong góan só ūe, hoaⁿhí hō lín. Tjînióng kóng, Ánni chin hó, putchí kámsiā lí, inūi chai lí lāibīn ê mih putchí hó.

Kaiû khi hoanhù i ê tōchí, miâ kiò Piānbī, kínkín pīpān pngchhài hō lāngkeh chiah. Hoanhù liáu, chiū lâi phōaⁿ in tāike tâmlūn, chiah kóng, Liatūi kàu góa ê chhù, góa putchí kaichài. li púnjīn bat Tjînióng, Simtit, chiah mng in Lútô sī siáⁿ lāng ? Simchū sī siáⁿ lāng ? Lútô sī ê kiáⁿ sī siáⁿ miâ ?

Tjînióng kóng, Chit ê lâu chiúkóaⁿlāng sī Kitoktō ê hujīn, miâ kiò Lútô. Chit ê kōniū sī i ê tângphōaⁿ, miâ kiò Simchū. Sī ê gíná sī Lútô ê kiáⁿ, tōaê miâ Máthài, tējīe miâ Satbójíⁿ, tēsaⁿê miâ Ioksek, tēsīe miâ Ngákok ; in sī ê hiaⁿtī chhinchhiūⁿ lāupē, lóng beh kiâⁿ thiⁿlō. Kìⁿū in lāupē só kengkè ê sóchāi, in iā ài kàu.

Kaiû thiaⁿkìⁿ sī Kitoktō ê kekòan, putchí ài kap in kóngōe, chiū kóng, Kitoktō ê chongphài thōan kàu kin'ájit putchí kú, i ê chóchong púnjīn tiàm tī Anthêo (*Sù[Sú]tō 11 : 26) . Tiongkan ū chit ê hó lāng, tióngsim hòksāi Chú, i ê púnke iah hótáⁿ ūi tìoh chinlí siū kè lōachōe kankhó. Chit ê miâ Sūthêhoan hō Pháiⁿlāng ēng chiòhthau timsí (*Sù[Sú]tō 7 : 59,60) . Chit ê miâ kiò Ngákok, hō pháiⁿ ông thāikhì (*Sù[Sú]tō 12 : 2) . Koh ū Pólô, Pítek, in iūgōan siók chit ê chòkphài, in ê tāichì lāng lóng chai, m̄ sái koh kóng i. Iā ū Ílaptjū, i hō lāng liáh, hiat hō sai kakhì. Koh ū Lômaüse, hō lāng liákhì

koah bah. Koh ũ Pólīkhap, Hōlāng liákhkhi hṓ hé siokhì. Iáu ũ koh chit lāng, hṓ lāng liákhkhi ēng lāng tiàuteh phákjit, koh ēng phang tēngsı́ i. Koh ũ chit lāng, hṓ lāng liákhkhi ēng tḗa thiāmsı́ i. Koh ũ chōechōe lāng tú tiòh kankhó́ sı́, nā beh kóng, iā kóng bōe liáu.

Thiaⁿ Kaiû kóng, Kitoktố chí sị ê kiáⁿ, óh in lāupē kiáⁿ thiⁿlṓ, thang ñgbāng Kitoktố ê miājī siōngsiōng tī sèkan. Lín tiongkan ũ nñg ê hūjīnlāng kiáⁿ thiⁿlṓ, kàu chia iáh sng sī hó. Ũ lāng kóng, chhengchheng tapó lāng sī chunkùi, khòaⁿ hūjīnlāng m̄ chiūⁿbák, góa ài thòe hūjīnlāng kóng kúikù òe, hiánbēng m̄ thang khòaⁿkhin i. Sèkan ũ kankhó́, ũ sısit, khíthau sī tùi hūjīnlāng titlái ; nāsı́ i tiòh siūⁿ Kiùchú kànglòh sèkan, hṓ lán ũ hokkhi, ũ óahmiā, iáh sī tùi hūjīnlāng titlái. Koh Kiùchú kànglòh sèkan (Lṓka 2 Chiuⁿ) , hūjīnlāng pí tapó lāng tāseng chai chit ê tāichì, olo Kiùchú. Kiùchú tōahàn, chhutm̄ng thōan tōlí, ũ sìn Chú ê hūjīnlāng siōngsiōng ēng chíⁿ sàng Chú, Sēngchheh bō kichài ũ tapó lāng ánni chòe. Ũ hū jīnlāng ēng tát chíⁿ ê phangiû boah Chú ê thaukhak kap kha. Kiùchú hṓ lāng liákhkhi tēngsı́, ũ hūjīnlāng tè teh, siōngsim thíkhàu. Lāng chiong Kiùchú ê sinsı́ tùi sıpjìkè tháu lòhlái báichòng, ũ hūjīnlāng tè khi khòaⁿ, lóng m̄ kam līkhui. Kiùchú kohóah, seng chhuthiān hṓ hūjīnlāng khòaⁿ, kiò i pò hṓ *Sù[Sú]tố chai. Ánni khòaⁿ khílái, hūjīnlāng nā ũ tionsim hòksāi Chú, iáh òe tit tiòh Chú ê untían, kap tapó lāng chítpoaⁿiūⁿ.

Kàu chittiáp beh chiáh êhng, ũ lāng lái pài óaⁿ, tī. Máthài kóng, Góa khòaⁿ chit ê óaⁿ, tī, ithoat paktó́ iau.

Kaiû kóng, Lí khòaⁿ pài toh chiū siūⁿ beh chiáhpñg, thang píphēng lí tī sèkan thiaⁿ tōlí, khòaⁿ Sēngchheh, chòe lépài, lóng sī pīpān hióng thiantōng ê hokkhi, siūⁿ thiⁿténg ê iānsiáh.

Tiáp'ákú, chhài, pñg pài khílái. Thau chit óaⁿ chhài sī iūⁿ ê chēngthúi kap heng. Kóchá Ísekliat pehsı́ⁿ, Lībī ê chongphài, hiánchè Siōngtè ê lāng só chiáh ê chiūsı́ chit hō. Tāike teh chiáh ê sı́, Kaiû kā Lútố hiah ê lāng kóng, Chúlāng pài che chhài sī ũ ìsù. Góa siūⁿ iūⁿ ê chēngthúi kap iūⁿ ê heng pun hṓ chèsi chiáh, m̄ nā sī beh pó́ i ê sengkhu, che chēngthúi sī beh kā i chīn khùilát hòksāi Chú. Che heng sī beh kā i ēng siaⁿim oló Chú : lán taⁿ chiáh chit hō mih, iáh *eng[èng]kai tiòh siūⁿ chit ê ìsù, chiàu ánni khi kiáⁿ.

Koh chhut chit pân chiú, i ê sektī chhinchhiūⁿ huìh. Kaiû kóng, Tāike sòejī, chīn lín ê liōng lái lim, chit ê sī chin ê phútô ê chiap, hṓ Siōngtè kap i ê pehsı́ⁿ hoaⁿhı́ (Sūsukı́ 9 : 13 ; Iokhān 15 : 1) .

Koh phāng chhut gūlin. Kaiû kóng, gíná chiáh chit hō khah gâu tōa (I Pítek 2 : 1,2) .

Koh chít óaⁿ sī gūliniū chham bit. Kaiū chiah kóng, Chhiáⁿ lín chīnliōng chiáh, chit hō hō lín ū simsu tìhūi, lán ê Chú sòehàn ê sī ū chiah chit hō, chiàu Sèngkeng kóng, “I chiah gūliniū chham bit, thànghâu kàu ū tìsek, òe hunpiat hó pháiⁿ. (Ísáia 7 : 15) .

Āulâi koh pài kéchí. Kaiū niū in chiah. Máthài kóng, Chúlâng pài che kéchí, ìsù putchí hó, nāsī góa siūⁿkhí síchó[’]hōanchōe ê iân*kò[kò], sī inūi chiah chit hō ê kéchí. Koh kítit góa tī lōnih phò^apīⁿ ê iânkò, iáh sī chiah kéchí, sói góa giâu^gī m̄ kàⁿ chiah.

Kaiū kóng, Lí giâu^gī chit ê bô símmih tōlí. Síchó[’]só[’]chiah ê kéchí, sī Siōngtè só[’]kìmhí, sói[’]chiah liáu ū chōe, pèng m̄ sī chit hō kéchí lóngchóng bōe chiahtit. Lí lōnih só[’]chiah ê kéchí, sī Sattàn hñglāi ê, lí chiah m̄ *eng[èng]kai chiahê, chiah phò^apīⁿ. Taⁿ chiah chiah ê kéchí, ū símmih thang kiaⁿ ?

Lōbé koh pài chit pò^a láchí ; tāike chit piⁿ kóngōe, chit piⁿ kāphò^a láchí (Ngáko 6 : 11) .

Kaiū kóng, che láchí thang pípēng Sèngchheh ê tiongkan, suibóng sī oh kóeseh ê sóchāi, iáh ū hó ê tōlí tī hitnih. Chhinchhiūⁿ láchí ê jīn ū ngīkhak pauteh, òe kángkiù kàu oh kóeseh ê sóchāi, tit tiòh hó tōlí chhinchhiūⁿ kāphò^a láchí khak, chiah òe chiah tiòh lāibīn ê jīn. Lán tī Sèngchheh ê tiongkan, kiám thang m̄ ēng kanghu mah ?

Tāike chē toh, kóngōe putchí tângsim, Simtit tùi Kaiū kóng, Lán éngéng chiah che láchí, góa chhut chit hō chhai, chhiáⁿ lí Chúlâng chhai : U chit lāng kóng i sī hongtian, I nā ēng chíⁿ hiatkák, chíⁿ ná kéchí.

Tāike tán khò^a Chúlâng òe chhai á bōe. Tiáp’ákú Chúlâng kóng : Lāng khéng ēng chíⁿ chiuchō[’]sònghiong lāng, Siōngtè tekkhak hō[’]i ê chíⁿ kethiⁿ tēngpē ; ánni chhai tiòh á m̄ tiòh ? Simtit kóng, Tiòh.

Ioksek kóng, Chúlâng òe chhai che chhai, góa sitchāi siūⁿ bōe chhut.

Kaiū kóng, Góa inūi siōngsiōng bat chhai, sói òe chhai chit ê chhai. Lāng inūi Chú ê miājī, khéng ēng chíⁿ pangchān lāng, Siōngtè tekkhak hō[’]i chíⁿ khah chōe. Che sī góa ū kenggiām^kè, Sèngchheh ū kóng, “Lāng ēng chíⁿ pun hō[’]lāng, hóantrúg tit tiòh hógiáh” (Chingian 11 : 24, 13 : 7) , kiám bô kap ánni saⁿsiāng mah ?

Kaiū kóng liáu, Tījīnióng iáh chhut chit ê chhai beh hō[’]Simtit chhai, chiū kóng, Lāng beh thāiiāⁿ, tekkhak tāseng thāisu. Ū sī tī lāibīn, chiah ū òah tī gōabīn.

Simtit beh chhiáⁿ Chúlâng chhai, Chúlâng kóng, Chòe lí chhai. Simtit kóng, Beh chhai chit ê chhai bô khò^ai, nāsī góa iáh siūⁿtit chhut, chiū kóng, Sèng Sīn iāⁿ góa, góa chiah òe iāⁿliáu chōe, tekhēng tī gōabīn, inūi tūkhì suiòk tī lāibīn.

Kaiû kóng, Ánhiaⁿ, lí chhai che chhai putchí tiòh. Chú ê Sèng Sîn beh kámhòa lêng ê sim, lêng púnjiân kap i khòngkū, m̄ thang sūnthàn. Sèng Sîn ēng tōa kōanlêng kóepiⁿ góa ê sim, chhin chhiūⁿ thàiⁱâⁿ góa ; thàiⁱâⁿ góa, góa chia^h òe thàiⁱâⁿ chōeok. Koh ū tekhēng tī gōabīn, hián bēng hō lêng khòaⁿ, tekkhak inūi simlāi khekkhì suiòk, nā bō khekkhì suiòk, tekhēng iáh sī bō kuntóe. Góa iáu beh m̄ng lí chit hāng.

Siatsú ū n̄ng lêng siāngsī chòe Chú ê hàkseng, khòaⁿ in ê só kiâⁿ lóngchóng sī hó. Hun bōe chhut tálòh chit ê khah hó ; nāsī n̄ng lêng ê tióngkan, chit ê sī lāuê, chit ê sī siàuliânê, lí phahsng tálòh chit ê, tit tiòh Sèng Sîn kám^tōng khah tōa nih ?

Simtit kóng, Góa khòaⁿ sī hit ê siàuliânê, tit tiòh Sèng Sîn kámhòa khah tōa. He ! sī cháiⁿiūⁿ nih ? Hit n̄ng lêng ū hó tekhēng, inūi in lóng iâⁿ suiòk, nāsī hit ê lāulāng hiatkhì khah soelám, suiòk chūjiân khah chió, beh khekkhì khah khòai. Siàuliân lêng hiatkhì kongkiông, suiòk chūjiân khah chōe, beh khekkhì khah oh. Ánni khòaⁿkhílai, sī siàuliânê tit tiòh Sèng Sîn kámhòa sī khah tōa, kiám m̄ putchí bēng mah ?

Tāike kóngōe ū hiah kú, chiū saⁿkap kító, jiānāu khì khùn. Kàu bīn'ájit khílai, tāike chūchip chòe lépai. Lútó ká Ngákok kóng, Lí thak chit Chiuⁿ Sèngchheh. I chiong Ísáia 53 Chiuⁿ thak hō tāike thiaⁿ.

Thak liáu Simtit m̄ng kóng, Chit chat Sèngkeng siáⁿsū kóng Kiùchú sī chhinchhiūⁿ chháu'á hiat tī tathô^ê ê sóchāi ? Koh siáⁿsū kóng i ê bīnmāu bō hó khòaⁿ ?

Tījinióng ìn i kóng, Góa phahsng siⁿ tī tathô^ê, hit ê ìsù sī chí Kiùchú chhutsì tī Iúthài kok ; hitsì Iúthài lêng, in ê kèngkhiân chhaputto lóng sitlòkhì, sói ná chhinchhiūⁿ tathô^ê. Koh bīn bō hó khòaⁿê, sī sianti chí m̄ sìn ê lêng só beh kóng ê òe, inūi lêng sī khòaⁿ Kiùchú ê gōaphōe, bō khòaⁿ lāisim. Chhinchhiūⁿ lêng khioh chit tè pógèk, iáubē tiautok, lêng khòaⁿ bōe chhut sī pógèk, chiū khòaⁿ i m̄ chiūⁿbák, lâi hiatkák i.

Kaiû kóng, Lín tī chia, góa chai Tījinióng putchí bēng, lín nā hoaⁿhí, lán chia^h tiámsim liáu, chiū chhut^mh̄ng, khòaⁿ thang līek lêng á bō ? Lī chia chhaputto saⁿ lí lō^ê, ū chit ê tōahàn lêng miâ kiò Satsiān, i putchí tuiték kiâⁿ Ông ê tōalō^ê ê lêng, góa chai i ê tōng tī tálòh. I sī chhátthâu. Lán nā òe tū hiah ê chhát, sī putchí līek lêng.

In tāike hoaⁿhí, ū ìn i. Tījinióng tì khoe kiáh to, kōaⁿ pài, kîûê kiáh chhiuⁿ, kiáh thui, lóng saⁿkap khísin.

Kàu tōng ê sī, ū khòaⁿkìⁿ chit lêng , miâ kiò Jiòkchit, i hō chhát'á tī lōnih liáh i lâi chí tōnglāi, chhátthâu Satsiān ū teh chhiau i sengkhu ê mih, kóng nā chhiauliáu chiū beh thài i ê bah khílai chia^h.

Hitsi Satsian khòanⁿkiⁿ Tjinióng in lái tī tōngkháu, chiū hoah in kóng, Lái chia beh siáⁿsū ? Tjinióng kóng, góan tiáukòì beh lái chhē lí, thòe kiâⁿ lō⁷ ê lâng pòoan, lí tiòh chhutlái. Satsian chiū kiáh kunkhì chhutlái kap i kauchiàn. Thài tiám gōa cheng kú, chiū hioh chhóan.

Satsian chiū koh m̄ng kóng, Lín lái góa ê sóchāi beh símmih tãichì ah ? Tjinióng kóng, Góa íkeng kā lí kóng lah, beh thòe kiâⁿ lō⁷ ê lâng pòoan. Tãike chiū koh kauchiàn. Satsian ū liòh'á khah iâⁿ. Tjinióng chiū khah thè. Hitsi Tjinióng khah hótáⁿ, chiū chinchêng chhutlát phut Satsian ê thaukhak, koh chhak tiòh i ê paktó⁷ piⁿ, Satsian ê kunkhì chiū kaláuh, sengkhu tótōe. Tjinióng chiū chām i ê thâu, lái kōaⁿ i, sòa chhōa Jiòkchit tólai Kaiú ê chhù. Kàu tè, chiū chiong Satsian ê thâu hō⁷ chenglâng khòanⁿ ; āulái hē tī gōabīn sīchiòng, kékài āulái ê lâng.

In chiū m̄ng Jiòkchit kóng, Lí cháiⁿiūⁿ hō⁷ chhát liákhì ? Jiòkchit kóng, Góa púnjiân soelám, siôngsiông phòapⁿ, ták jít kiaⁿ sí. Góa pún sóchāi, miá kiò Iúúchhoan, góa phahsng tiám tī hia kàu lōbé m̄ hó, chiū khísín kiâⁿ thiⁿlō⁷. Góa ê sengkhu kap simkoaⁿ lóng bô khùilát, suibóng ánni, iáukú biánkióng kiâⁿ. Góa kàu òehm̄ng, Chú khoánthāi góa putchí hó, bô hiám góa lóanjiók, ēng lōnh khiámēng ê mih hō⁷ góa, hoanhù góa tiòh ñgbāng tit tiòh kiù, kàu lōbé iā tiòh ánni. Kàu Seksī ê chhù, góa siū in bô chió. Seksī phahsng góa bô lát thang chiūⁿ Kanlân soaⁿ, hoanhù i ê lôchāi chhah góa chiūⁿkhì. Kìⁿnā ū āubé góa kiâⁿ ê lâng jip góa tiòh, i suibóng m̄ thènghāu kap góa saⁿkap kiâⁿ, siôngsiông ēng òe anùì góa, kóng góa nā biánkióng kiâⁿ, iáh thang kàu Súnsoaⁿ. Góa kàu chia tú tiòh chhát, chia lóanjiók, beh thài òe títék nih ? Hó tit Chú chhe lín lái kiù góa iáu ū òahmiā. Chionglái ê lō⁷ koh tú tiòh hōanlān, iáh pó bōe tiâu, suibóng ánni, góa chù tiāⁿ tiòh bô kàu bé m̄ khéng soah. Góa simlái só⁷ himsiānê, tī Bòkiôhō hit pēng, sói góa bô saⁿsimn̄gì, tit thàu beh khì.

Simtit m̄ng Jiòkchit kóng, tãiseng ū chitê kiâⁿ lō⁷ ê lâng, miá kiò Chūgí, li bat á m̄ bat i ? Ìn kóng, Bat i, i sī góan chek, i ê sengkhu pí góa khah óe, i ê khóansit sèngchêng kap góa chhaputto.

Simtit kong, Khòanⁿ lí ê bīnsek chhiⁿchhiⁿ, bákchiu ū chit bák thoahthang, kap Chūgí saⁿtāng, koh thiaⁿ lí kóng òe iā kap i saⁿ chhinchhiūⁿ. Góa púntóe phahsng lí kap i sī chit ke lâng, chinchhiàⁿ bôchhò. Jiòkchit kóng, Lí kóng góa kap góan chek siosiang, tãike iā sī ánni kóng.

Kaiú khòanⁿ Jiòkchit, thiaⁿ Simtit kóng i ê tãichì, hoaⁿhí khoánthāi i, chiū tui i kóng, Lí ài ēng símmih, góa beh hō⁷ lí ēng. Lí beh símmih tãichì, góa ū lâng thang hō⁷ lí chheēng.

Jiòkchit kámsiā chúlâng ê hôi ; chiū kóng, Góa tit tiòh che hó sóchāi sī siūⁿ bōe kàuê, chhinchhiūⁿ móa thiⁿ ohûn gū tiòh jít chhut. Hiah ê chhát púnjiân beh hāi góa, bô phe inūi gū tiòh chhát, hóantrng tit tiòh hó sóchāi, chinchiàⁿ sī Chú ê tōa untían.

Tāike teh kóngōe ê sī, thiaⁿkìⁿ gōabīn ū lâng kóng, Lī chia sī gō lí lō^o, ū chítê kiâⁿ lō^o ê lâng, miâ kiò Putsī, hō hó kāsī. Jiòkchit thó^o chítê khui kóng, Khósioh ah ! Chit ê lâng kap góa saⁿkap kiâⁿ, chêng kúinā jít jip tiòh góa, ài kap góa saⁿkap kiâⁿ. Hō^o chhát chhiúⁿ ê sī, i kóaⁿkín siámpī, bô phe siámpī chhát, hóantrng gū tiòh hó. Góa hō^o chhát chhiúⁿ, hóantrng tit tiòh hokkhì ; kiám m̄ sī Siōngtè chhuipāi mah ?

Hit sī Máthài ū chhōa Simchū. Kaiû chiong i ê chabó kiáⁿ Huipí chòe hō^o Satbójíⁿ. Ôanhun ê sū bēngpék, koh tiám Kaiû ê chhū cháp jít.

Beh khísín ê sī, Kaiû pān iānsiáh, tāike limchiáh tōa hoaⁿhí. Chiáh liáu, Tījînióng chhiáⁿ Kaiû sngsiàu. Kaiû kóng, chiàu g^o a chia ê kuikú, nāsī kiâⁿ thiⁿlō^o ê lâng, lóng bô siu i ê chīⁿ ; tiòh kítit Sèngchheh kóng (Lōka 10 : 34,35) , hit ê Satmálīa ê lâng tòtrnglái ê sī, sóhùi lóng chóng beh chhut hō^o góa.

Tījînióng kóng, Kámsiā lí chiàuèng góan. Koh kámsiā lí sàng góan ê mih, lí sitchāi sī chòehó ê lâng. Khòaⁿ lí chin sim sìn Chú, Kaiû sàng tāike khísín kap in saⁿ sī, chiū tui Jiòkchit kóng, Gōan lí chitlō^o pengan. Koh sàng i lō^ochhài hō^o i tī lōⁿih thang limchiáh.

Hitsī Jiòkchit ê khóansit ná chhinchhiūⁿ m̄ ài khísín, s^o ài beh koh tiám teh. Tījînióng khòaⁿchhut i ê ìsù chiū kóng, Li kap góan saⁿkap kiâⁿ khah hó, góa pòhō^o in, iáh thang pòhō^o lí. Lán tī lōⁿih tiòh ēng símmih mih, tāike thang saⁿkap ēng.

Jiòkchit kóng, Góa chòe lín ê tângphōaⁿ, tōatīm bô hapsit ; lín lóng sī gâu kiâⁿ, góa sī lóanliòk, kiaⁿliáu lín hiâm góa thoathūi lín. Góa siūⁿ kakī tiám āupiah kiâⁿ khahhó, iáukú góa ê simkoaⁿ bô símmih tisek, iáh kâu giâu^ogí, lín ittōng itchēng, kiámchhái bô háp góa ê ì. Káⁿ beh kóngchhut kiaⁿliáu hō^o lâng hiâm mā m̄ káⁿ kóng, chhut, góa ê sim putchí utchut. Lâng nā chhiò, ásī chhēng súi ê ichiūⁿ, ásī kóng bô līek ê piānlūn, pátlâng khòaⁿ chòe bô iàukín, góa kú tòngbōe tiâu, góa m̄ tát tiòh kakī kiâⁿ khah hó.

Tījînióng kóng, Góa beh chiàu lí ê ìsù, bōe kàu hō^o lí utchut ; lí kap góan tiòh saⁿkap kiâⁿ.

Hit sī ū chit lâng, miâ Kōepóah^otó, lâi ; chhiú kiáh nng ki kóaiⁿ, iāsī beh kiâⁿ thiⁿlō^o. Jiòkchit kóng, Hoh ! lí iā lâi. Góa tú^oá teh hiâm bô tângphōaⁿê, lí lâi putchí háp. Kōepóah^otó ah, lí lâi góa putchí hoaⁿhí, ñgbāng lí, góa thang saⁿ pangchān.

Kōepóahťó kóng, Hó ah ! Chóngsī lí, góa kiaⁿliáu kiâⁿ bōe saⁿtè, òe saⁿ līkhui, góa beh chít ki koaiⁿ'á chioh lí, chiah biántit sãⁿli.

Jiòkchit kóng, Kámsiã lí ê hói, nãsi góa bô páikha m̃ sái ēng. Taⁿ lí kàu chiah hói, góa chiū bóngsiu lâi thang ēng i kòng káu iã hó.